BREVE

DE N. SSmo. P.

CLEMENTEXI

AL ILmo. SENOR
DEAN, Y CABILDO
DE LA STA IGLESIA PATRIARCAL
DE SEVILLA.

DILECTIS FILIJS CAPITVLO, ET CANONICIS METROPOLITANÆ ECCLESIÆ HISPALENSIS.

CLEMENS PP. XI.



ILECTI FILIJ SALVTEM, &c. Acceptam a Maioribus Vestris, quorum sides erga Sanctam hanc Sedem præclare semper enituit, devotionem in eam, ac Nosmetipsos eximiam, & prorsus silialem vndique spirat Epistola vestra viij.

Kalend. Novembris, anni nuper elapsi conscripta, pla-

nè luculenta, præloquè digna, quæ à Dilecto Filio Io: Antonio de Vizarron, istius infignis Metropolitanæ Ecclesiæ Archidiacono proxime reddita nobis fuit. Eam Nos peculiari cum animi nostri solatio perlegimus, gavisique magnopere sumus egregiam, quam de pietate, ac virtute vestra iam dudùm gerebamus, opinionem novo hoc amplissimo, & certe ad posteritatis memoriam ituro documento comprobari. In primis autem perlibenter audivimus Vos binis Constitutionibus, quas ad evellenda Ianseniana haresis mala germina promulgavimus, debitam obedientiam alacri, promptoque animo præstitisse; paratosque esse Pontificiam authoritatem, sanamque doctrinam, omni conatu, ac ope víque ad sanguinis effusionem asserere. Meritis itaque laudibus studium, zelumque vestrum in Domino prosequentes, exploratum Vobis esle cupimus pristinæ nostrę erga Vos voluntati non levem hoc nomine cumulum accessisse, quemadmodum oblata occasione Vobis gratificandi; re ipla experiemini, Dilecti Filij, quibus interim Paternæ nostre charitatis pignus Apostolicam benedictionem peramanter impertimur. Datum Romæ, &c. Die 8. Februarij 1718.



